

**09-March-2026**

**आकाशवाणी**

खबरां विजय बजाज कोला

खास-खास खबरां:-

1. मर्दे दे आई.सी.सी. टी-20 क्रिकेट विश्व कप च कल नरेन्द्र मोदी स्टेडियम च खेड्डे गेदे फाईनल च भारत नै न्यूजीलैंड गी 96 रन्जें कन्ने हराइयै विश्व कप दा खिताब अपने नांs करी लैता ऐ।
2. संसद दा बजट इजलास अज्जै थमां पही शुरु होग। लोकसभा च स्पीकर ओम बिरला होरें गी औहदे शा हटाने लेई रक्खे गेदे प्रस्ताs पर चर्चा कीती जाहग।
3. प्रधानमंत्री नरेन्द्र मोदी “सबका साथ- सबका विकास” आले विशे पर आयोजित बजट दे बाद आले इक वैबिनार गी वीडियो कांफ्रेंस दे राहें सम्बोधित करडन।
4. विकसित भारत युवा सम्पर्क कार्यक्रम दे दुए गेड़ दा अज्ज दिल्ली च शुभारम्भ कीता जा’रदा ऐ।
5. ईरान नै अयातुल्ला अली खामेनेई हुंदे मारे जाने दे बाद उं’दे पुत्र मोजतबा खामेनेई हुंदे नांs दा ऐलान अपने नमें सुप्रीम लीडर दे तौर पर कीता ऐ।
6. नेपाल दे संसदी चुनाएं च राष्ट्री स्वतंत्र पार्टी आसेया भारी जित हासल करने दे कन्ने 35एं बरे दे बालेन्द्र शाह हुंदा नेपाल दा अगला प्रधानमंत्री बनना तय होई गेआ ऐ।

<><><><><>

### **India’s Wins World Cup**

भारत नै त्री बारी आई.सी.सी. मर्दे दे टी-20 विश्व कप गी जितियै इतिहास रची दिता ऐ। एदे कन्ने गै भारत नै लगातार 2 बारी टी-20 विश्व कप जितने दा गौरव बी हासिल कीता ऐ। अहमदाबाद दे नरेन्द्र मोदी स्टेडियम च कल खेड्डे गेदे खिताबी मुकाबले च भारत नै न्यूजीलैंड गी 96 रन्ज कन्ने हराया। सूर्य कुमार यादव दी अगुआई च पैहले बल्लेबाजी करदे होई भारतीय टीम नै तय 20 ओवरें च 5 विकटें दे नुक्सान पर 256 रन्ज बनाए। इस लक्ष्य दा पिच्छा करदे होई न्यूजीलैंड दी पूरी टीम 19 ओवरें च इक सौ 59 रन्ज पर सिमटी गई। जसप्रीत बुमराह नै 4 विकटां लैतियां ते उसी प्लेयर ऑफ द मैच घोषित कीता गया। न्यूजीलैंड नै भारत गी पैहले बल्लेबाजी करने दा साद्दा दिता- जेदे चलदे भारत नै 255 रन्ज बनाए Sanju Samson नै 46 गेंदें च 89 रन्ज बनाए ते उसी “प्लेयर ऑफ द सीरिज़” चुनेया गया।

<><><><><>

### **Parliament Session**

संसद दे बजट सत्र दा दुआ गेड़ अज्जै थमां शुरु होआ रदा ऐ। एह गेड़ अगले म्हीने दी 2 तरीक तगर चलोग। लोकसभा च अज्ज अध्यक्ष ओम बिरला होरें गी हटाने दे प्रस्ताव पर चर्चा होनी ऐ। कांग्रेस दे त्रै सांसद मोहम्मद जावेद के. सुरेश ते मल्लु रवि एह प्रस्ताव रक्खडन-जेकर अज्ज लोकसभा च इस प्रस्ताव पर चर्चा हुंदी ऐ तां ओम बिरला होर सदन दी कारवाई दी अध्यक्षता नेई करडन। विदेश मंत्री डाक्टर एस. जयशंकर होरें गी अज्ज पश्चिम एशिया दी स्थिति बारे ब्यान देना ऐ।



#### **PM-Webinar**

प्रधानमंत्री नरेंद्र मोदी होर अज्ज “सबका साथ सबका विकास : शिक्षा कौशल ते युनिवर्सिटी टाउनशिप” विशे पर इक वेबीनार गी संबोधत करडन। सूचना ते प्रसारण मंत्रालय नै दस्सेआ ऐ कि वेबीनार च केंद्री बजट 2026-27 दिएं घोषणाएं पर तफसीली चर्चा होग। इस वेबीनार दा मकसद मुल्खै च शिक्षा, हुनर, एनिमेशन ते विजुअल इफैक्ट्स, गेमिंग ते कॉमिक्स ते क्रिएटर इकोनामी सरबंधी तंत्र गी मजबूत बनाना ऐ।



#### **My Bharat –Yuva Connect**

युवा मामलें ते खेड्डें सरबंधी मंत्रालय आसेआ अज्ज दिल्ली च विकसित भारत युवा सम्पर्क कार्यक्रम दे दए चरण दा शुभारम्भ कीता जाहग। एह पैहल “मेरा युवा भारत” दे माध्यम कन्ने आयोजित कीती जा रदी ऐ। एहदा मकसद बरे 2047 तगर विकसित भारत दा लक्ष्य पूरा करने च युवाएं दी भागीदारी गी मजबूत करना ऐ। मंत्रालय मूजब- राष्ट्री राजधानी दे 35 शा मते कालेजें दे 10 जहार शा मते विद्यार्थियें दे इस कार्यक्रम च शामिल होने दी मेद ऐ। इस दरान गल्लबात आले गेड़ ते भागीदारी आली गतिविधियां आयोजित कीतिआं जाडन। एह पैहल हुनै तगर 22 राज्यें ते केन्द्र शासत प्रदेशें दियें 274 युनिवर्सिटियें ते कालेजें च शुरु होई गेदी ऐ ते तकरीबन 20 जहार युवा एहदे च हिस्सा लेई चुके दे न।



#### **Iran New Supreme Leader**

अमरीका ते इजरायल दे कन्ने जारी युद्ध बश्कार ईरान नै अपने नमैं सर्वोच्च नेता दे नां दी घोषणा करी दिती ऐ। मीडिया दियें खबरें मूजब मुजतबा खामेनेई अपने पिता अयातुल्ला अली खामेनेई हुंदी थाहर लैडन- जिंदी मौत अमरीका ते इजरायल दे शुरुआती हमले च तेहरान च होई गेई ही। तोंआई संयुक्त अरब अमीरात च ईरान दे हमले जारी न। ईरानी मिसालें कल अबुधाबी गी निशाना बनाया हा। ईरान दियें मिसाइलें कल बी अबुधाबी गी निशाना बनाया हालांकि केई मिसाइलें गी हवा च तबाह करी दिता गोआ।



## Flights Cancelled

पच्छिम एशिया च मौजूदा स्थिति करी केंई क्षेत्रे च विमान सेवाएं पर असर पेया ऐ। यात्रियें गी हवाई कम्पनियें थवां जारी ताजा जानकारी पर नजर रक्खने लेई आखेआ गेआ ऐ। डोआरियें बारे मती जानकारी मंत्रालय दे यात्री सहायता नियंत्रण कक्ष थवां Helpline Number 011-24604283 ते 011-24632987 थवां लैती जाई सकदी ऐ।



## Nepal Govt. Formation

नेपाल च रैपर थमां सियासतदान बने ते पिच्छले बरे सितम्बर म्हीने Gen-2 आंदोलन दे मुख्य चेहरे बालेन्द्र शाह हुंदा नेपाल दा अगला प्रधानमंत्री बनना तय ऐ। उंद्दी पार्टी राश्ट्री स्वतंत्र पार्टी ने संसदी चुनांs च भारी जित हासल कीती ऐ। पार्टी गी प्रतिनिधि सभा च प्रतक्ख निर्वाचन आली 165 सीटें चा 122 सीटां मिलियां न ते 3 सीटें पर ओह अग्गे चला करदी ऐ। नेपाल च लोकतंत्र स्थापित होने दे बाद एह सबनें शा बड्डा चुनावी बहुमत ऐ। चुनांs आयोग नै हुने धोड़ी 165 सीटें चा 159 सीटें दे नतीजें दा ऐलान करी दिते दा ऐ। 35एं बरे दे बालेन्द्र शाह ने 4 बारी नेपाल दे प्रधानमंत्री रेई चुके दे CPN-UML दे अध्यक्ष के.पी. शर्मा ओली होरें'गी तकरीबन 50 जहार वोटें कन्ने हराया ऐ।



## FIH Hockey

हाँकी च FIH विश्व कप महिला हाँकी क्वालीफायर दे पूल-बी दे दुए मैच च अज्ज भारत दा मुकाबला स्काटलैंड कन्ने होग। मैच संजा साड्डे 7 बजे थमां खेड्डेआ जाहग। सलीला Tete दे नेतृत्व च भारती टीम नै कल उरुग्वे पर 4-0 दी शानदार जित दे कन्ने अभियान दी शुरुआत कीती। सुनेलिता टोपो ने 21में मिंट च पैहला ते इशिका ने 40में मिंट च दुआ गोल कीता। लाल रेमिस्यामी नै 49में मिंट च त्रीआ ते रुतुबा दादासो ने 58में मिंट च चौथा गोल करियें टीम दी जित पक्की करी दिती। हैदराबाद च होने आला एह टूर्नामेंट महिला हाँकी विश्व कप दे दंऊ क्वालीफाईंग टूर्नामेंट चा पैहला ऐ। दुआ टूर्नामेंट चिली दे सैंटियोगो च चला करदा ऐ। दौनें प्रतियोगिताएं दी पैहली- दुई ते त्रीये नम्बरें पर रौहने आली टीम इस बरे बेल्जियम दे नीदरलैंड च सांझे तौर पर होने आहले महिला हाँकी विश्व कप लेई सिद्धे क्वालीफाई करोग।



**Read by** : **Vijay Bajaj**  
**Stand by** : **Shruti Khajuria**  
**D.E.O.** : **Rajni Devi**  
**Skilled** : **Rajat Paul**  
**Editor** : **Abhilasha Sharma**